

# Theocharides Tin Rason!

Ginekólogo i spesialisista di parto, dòkter Thomas Theocharides, di Elkart, Indiana na Merka, sa bon for di opservashon personal kuantu daño relashon seksual pre-matrimonial ta kousa hende muhé. E sa ku tantísimo biaha e mester informá un yùfrou ku el a kontagiá un enfermedat inkurabel òf a bira steril pa motibu di su aventuranan erótiko. E tambe sa ku antikonseptivo ta duna e muhé un sintimentu falsu ku e ta protehá kontra embaraso i enfermedat.

Dòkter Theocharides a yega na e konklushon ku antikonseptivo ta enkurashá mucha muhé nan pa aktua na un forma kontrario di nan propio bienestar físico, emoshonal, i spiritual. El a manda un karta pa su pashèntnan: "Pa motibu di e epidemia di enfermedatnan venérikò, un mucha muhé soltero ku ta seksualmente aktivo ta eksponé su mes na rísikonan serio pa ku su salú. Mi a realisá ku preskribiendo...antikonseptivo pa hende muhé soltero ta enkurashá òf aprobá di aktividat ku ta potencialmente fatal." Su karta a anunsiá ku e lo no preskribí antikonseptivo mas pa damanan soltero.

"Hiep hiep hoera!" pa dòkter Theocharides! Ta refreskante pa tende di hende ku ta aktua conforme ku nan konsenshi i faktonan!

Awendia poko hende tin e kurashi di dòkter Theocharides. Alkontrario, adultonan ta komuniká un mensahe ku ta duna nan yunan e impreshon kiboká ku sèks promé ku matrimonio NO ta hasi daño, basta ku ta evitá embaraso i AIDS. Ma esei ta mentira! Embaraso i AIDS ta solamente dos di HOPI konsekuensia penoso ku bo por sufri si bo ta seksualmente aktivo promé ku matrimonio. Ma tin muchu mas!

Un epidemia di diferente enfermedat venérikò ta asaltando nos komunidat. Algun ta inkurabel, doloroso, ta kousa sterilidat, beibinan deformá, asta morto i ta muchu mas komun ku AIDS. Kondom no por garantisá protekshon sigur. Ma kasi nunca nos ta tende di esakinan i nan konsekuensianan penoso.

Ta bisá ku hende hòMBER ta deseá sèks, i ta usa amistad intimo komo as pa haña nan gana. Di otro banda, hende muhé ta deseá amistad intimo, i ta spera ku sèks lo produsí esei. Den relashon seksual pre-matrimonial, e hòMBER ta haña su gana, sèks; ma e mucha muhé hopi bes no ta enkontrá amistad intimo. Sífranan ta demonstrá ku mas ku 85% di yònkuman ku ta saka un mucha muhé na estado eventualmente ta bandon'é, lagando e mucha muhé ku un kurason kibrá. Sèks promé ku matrimonio no ta hasi daño?

Sèks promé ku matrimonio ta kontribuí na divorsio. Parehanan ku ta tene relashon seksual promé ku kasa ta oumentá nan rísiko di divorsio ku 60 porshento. Segun un otro sífra, hende muhé ku no ta birgen ora nan ta kasa, ta divorsió ku 71 porshento mas frekuensia ku esnan ku ta praktiká apstinensia te matrimonio. Bisando "nò" pa ku relashon seksual promé ku kasa, e hóben ta bisando "si" pa ku un matrimonio mas fuerte.

Un motibu ku puresa moral ta produsí matrimonionan mas fuerte ta pasobra namoramentu sin hasi sèks tin mas chèns di forma un kompañerismo emoshonal i intelektual mas fuerte. Ademas esaki ta demandá kontrol propio, algu ku ta di gran balor pa tur matrimonio eksitoso. (Kontrol propio tambe ta nesesario pa keda fiel na otro DESPUES di kasa!)

Kisas tempu bo tabata mucha bo mayornan a kumpra un regalo pa bo hasimentu di aña i a skond'é wardando e fecha pa yega. Anochi promé ku e dia spesial, bo a haña e regalo nèchi lorá. Bo tabata masha kaweta i a habrié pa mira kiko tin aden anto ser'é bèk. Kon bo ta reakshoná sumanesé ora bo mayornan a "sorprendébo" ku un regalo spesial? Pasobra bo a habrié kaba i sa kiko tin aden, bo no tabatin e mésun antisipashon, interes, i apresio pa e regalo.

Ta méskos ku sèks. Sèks ta Dios Su regalo di kasamentu pa bo! Si bo no ta habri e regalo aki adelantá, bo apresio pa e dia spesial ei ta oumentá.

Palabra di Dios ta bisa, "P'esei un hòMBER lo bandoná su tata i su mama i keda uní ku su esposa. I nan lo ta un solo karni" (Génesis 2:24). E òrdu aki ta krusial: promé, bandoná mayornan; anto uni ku esposa, i finalmente sèks. Si bo ta violá e òrdu aki, lo bo sufri e konsekuensianan físico, emoshonal, sosial òf spiritual, i kisas muchu lat lo bo bin ripará ku Theocharides tin rason.